

Susret Visokog predstavnika sa udruženjima raseljenih osoba i izbjeglica

Danas se Visoki predstavnik susreo sa predstavnicima 24 udruženja raseljenih osoba i izbjeglica (DPRE) iz cijele Bosne i Hercegovine kako bi čuo njihova mišljenja o procesu povratka i dao im podsticaj da insistiraju na njihovim pravima.

U svom uvodnom obraćanju, Visoki predstavnik je naglasio važnost uloge koju imaju udruženja DPRE u procesu povratka. "Nije međunarodna zajednica ta koja treba da preuzme vodeću ulogu," rekao je on. "Niti su to samo vaši političari. Bitno je da sami narod, građani ove zemlje, preuzmu odgovornost za svoju sopstvenu budućnost. Ovo je ključna riječ: tkz. ownership, ono što mi na vesem jeziku nazivamo odgovornost. Zbog toga mi je toliko stalo da radimo zajedno, da suradjujem s vama u izgradnji građanskog društva u Bosni i Hercegovini. Želim da vas saslušam, želim da čujem vaše stavove. Vi ste aktivni segment građanskog društva koje se gradi u ovoj zemlji."

U toku intenzivnog dvosatnog razgovora, predstavnici DPRE su izrazili podršku mjerama koje je do sada poduzeo Visoki predstavnik u cilju unapređenja procesa povratka – posebno u oblasti imovinskog i stambenog zakonodavstva – te su dali niz prijedloga kako da se ubrza ovaj proces. Prijedlozi sadrže ostrije mjere protiv onih koji zloupotrebljavaju stambeni prostor, različite načine finansiranja povratka i njegove održivosti, te otpustanje dužnosnika koji opstruiiraju proces. Predstavnici DPRE su također tražili hapšenje svih osoba optuženih za ratne zločine i zajednicki multietnicki nastavni plan i program.

Visoki predstavnik je naglasio važnost povratka i u tu svrhu,

efikasne provedbe imovinskih i stambenih zakona za demokratski razvoj Bosne i Hercegovine. "Krajem prošle godine stavio sam na snagu nove zakone kako bi se ubrzao proces povratka," rekao je on. "Time sam također želio izraziti svoje uvjerenje da je povratak najvažnije pitanje za obnovu Bosne i Hercegovine kao države. Nikakvi politički, ekonomski niti kulturni pomoci neće biti mogući bez rješavanja ovog pitanja. Vladavina prava je od fundamentalnog značaja za svaku demokratsku zajednicu i državu. Razočarali su me oni koji su pokušavali da zagovaraju samo svoje interese i koji etničke podjele stavljaju iznad primjene pravde i jednakosti. Ja sam odlučan u tome da ovo neće prevagnuti i nadam se da ćete me i vi u tome podržati. Provedba imovinskih zakona za neke može biti itekako bolna. Ali pravila se moraju ispoštovati."

Na kraju sastanka Visoki predstavnik se zahvalio predstavnicima DPRE za sve informacije koje su mu pružili kao i za sugestije koje su dali. "Ovo će mi pomoći da iznadjem bolja rješavanja," rekao je. "Odlučniji sam više nego ikad da dam sve od sebe da se ubrza proces povratka, provedba imovinskih zakona kao i da se ukloni rak rana višestrukog korištenja."

Visoki predstavnik je upozorio da se međunarodna sredstva za Bosnu i Hercegovinu smanjuju, te da se lokalne vlade moraju jace angazovati na finansiranju povratka. "U tom pogledu, ekonomski razvoj vaše zemlje je od ključnog značaja," rekao je on. "On omogućava zapošljavanje, otvaranje novih radnih mjesta, vama i vašoj djeci; bolje škole, bolje zdravstvo, bolje bolnice. Proces ekonomske reforme se mora ubrzati. Pored povratka, ekonomska reforma je moj drugi osnovni prioritet za ovu godinu."